



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum sint plures processiones in diuinis quam duæ. artic. 5. disput. 1.

[urn:nbn:de:hbz:466:1-73915](#)

substantiam, non habet id illa Spiritus sancti produc^{tio} ex modo suo, nempe quia est per voluntatem, quippe cum amor produc^{tus} esse soleat quodam accidens, sed id similiter habet ex infinita illimitataque perfectione Dei. Hinc est, quod producere aliquid consubstantiale in diuinis, non sit satis ad generationem, eò quod procedes ex modo processionis, non habet ut sit producenti consubstantiale, aque adeo in natura simile, sed ex illimitata, infinitaque perfectione diuina. Atque hoc est, quod supponit, inquit, D. Thomas hoc loco in reponsione ad primum, dum ait: *Ad primum dicendum, quod quicquid est in diuinis, est unum cum diuina natura. Vnde ex parte huius unitatis, non potest accipi propri^a ratio huius processionis, vel illius.* Et in fine solutionis ait: *Et inde est, quod procedens in diuinis per modum amoris & divisionis naturam accipit, & tamen non dicitur naturam.* Quare aperte affirmat, procedere aliquid consubstantiale, non vi modi processionis in sensu explicato, sed ea generali ratione, qua quicquid est in Deo, est unum cum diuina natura non sufficere ad generationis rationem, si id, quod ex modo productionis in creaturis futurum, esset accidens, in Deo sit substantia, ac ipsemet Deus: si tamen iuxta formam explicaram procedat eiusdem naturae, & vi eiusmodi, quem habet productio, procedat simul ut imago substantiae eius, à quo producitur (quo pacto procedit Verbum in diuinis, iuxta illud ad Col. i. *Qui est imago Dei inuisibilis?*) habebit rationem Filij, quia vi sue peculiari ac propria productionis procedit simul ut substantia similis ei, à quo procedit, licet habeat quod sit substantia, quia processio ipsius est in diuinis, quod verò sit similis producenti, habeat vi sua propria, & peculiari productionis. Verbum itaque creatum, quo homo a Angelus scipium intelligit, licet procedat ut simile substantiae eius, à quo elicetur, quia tamen neque viuens est, neque substantia, sed accidens, non est filius eius, à quo procedit. At Spiritus sanctus, licet viuens sit, & substantia, cùque generali ratione consubstantialis Patri ac Filio procedat, quod quicquid est in diuinis est ipsemet Deus: quia tamē vi modi procedendi non spatur ut similis Patri & Filio, sed ut inclinatio & propensio: inde est, ut neque habeat quod sit Filius, neque eius processio quod sit generatio.

His ita constitutis, ad argumentum propositum dicendum est. Definitionem generationis proprie viuentium esse optimam, nec processioni Spiritus sancti conuenire. Ultima namque particula intelligenda est, quod procedat secundum rationem similitudinis in eadem natura, ex modo sue propria productionis: id autem habet, tum omnis generatio creata propria viuentium, tum etiam processio Verbi in diuinis, ut pater ex dictis: non verò processio Spiritus sancti, quia licet procedat consubstantialis, id tamen non habet ex modo sua productionis, sed ex illa generali ratione, quia quicquid est in Deo, est ipse Deus, neque ex modo sua productionis haber, quod procedat ut similis substantiae producentis, sed ut propensio, & inclinatio in eamdem substantiam.

Duo alia argumenta ex dictis soluti-
tur.
Primum.

Ex his facilè solues haec duo argumenta, quæ cunctem ferè vim habent. Primum est, ex eo produc^{tio} Filij à Patre in humanis est vera generatio substantialis, quia per eam pater filio impertit eamdem specie naturam, cum ita se Pater & Filius in diuinæ productionis, quia producent Spiritum sanctum, ei communicant illam numero naturam substantialiem, quam habent, ipsaque produc^{tio} ex se

A est illius diuinitatis communicatio: ergo produc^{tio} Spiritus sancti non minus est generatio, quam produc^{tio} Filij à Patre homine.

Secundum, vi spirationis, qua Pater & Filius spirant Spiritum sanctum, produc^{tio} Spiritus sanctus: sed Spiritus sanctus est Deus: ergo vi productionis produc^{tio} Dens deo: ergo non minus processio Spiritus sancti est generatio, quam unius hominis ex alio homine.

Ad maiorem primi argumenti dicendum est, nō id est productionem filij in corporibus esse propriæ generationem, quia per eam pater quocumque modo communicat eamdem filio naturam: sed quia produc^{tio} illa ex modo productionis habet, ut sit communicatio naturæ substantialis, quam habet pater, ut explicatum est: Pater autem & Filius, licet vi productionis, qua Spiritum sanctum producent, communient illi naturam, quam habent: non tamen id habet produc^{tio} illa ex modo ipsius, nempe quia per voluntatem, ut explicatum est: sed propter quod est produc^{tio} ad intra in Deo.

Ad secundum, concessa maior & minor, distinguendum est consequens prima consequentia. Si enim intelligatur, quasi vi productionis producatur Deus deo, ea generali ratione, qua quicquid ad intra est à Deo, est ipsemet Deus; ac proinde quod vi illius productionis, non quia illo modo est per voluntatem, sed præcisè, quia est diuina, producatur Deus, concedenda est consequentia. Verum id non est satis ad generationem, sed ulterius requiriatur, ut id, quod producatur, ex modo productionis producatur tamquam simile producenti, quod non habet produc^{tio} Spiritus sancti, ut ex dictis manifestum est. Vnde neganda est secunda consequentia. Si vero consequens prima consequentia intelligatur, quod vi illius productionis ita producatur Deus deo, ut vi peculiari modi illius, nempe quia est per voluntatem, producatur consubstantialis, aut similis Patri, neganda est consequentia: neque enim ea produc^{tio} habet, ut attingat quicquam substantialis, quia produc^{tio} est per voluntatem, sed quia est produc^{tio} ad intra in Deo.

In reponsione ad tertium animaduerte, intentionem D. Thomæ eam esse, ut velit, ex processibus diuinis solam eam, qua Verbum oritur, habere nomen proprium defunsum ex modo, quo natura creata per processiōnem unius ex alio communicatur, appellarique generationem: processiōnem vero Spiritus sancti nō habere nomen defunsum ex modo, quo natura creata communicetur, appellari tamen peculiari nomine spirationem, hoc est, processiōnem Spiritus: quo nomine, ut in corpore articuli ait D. Thomas, quedam vitalis motio & impulsio innuitur, quia aliquis ex amore moueri, vel impelli ad aliquid dicitur.

ARTICVLVS V.

Vtrum sint plures processiones in diuinis, quam due.

DISPUTATIO I.

ONCLVSI O est. In Deo tantum sunt duæ processiones. Quam probar, tum quia in Deo sunt tantum duæ personæ procedentes, nempe Filius & Spiritus sanctus: ergo duæ tantum processiones. Tum etiam, quia diuinæ processiones accipiuntur secundum actiones

actiones immanentes: in natura autem merè intellectualis, qualis est diuina, dux tantum sunt immanentes functiones, intelligere videlicet & velle: ergo dux tantum processiones. Animaduertendum est, conclusionem esse de fide: concessis namque pluribus, aut paucioribus processionibus, confitendum quoque esset, in Deo esse plures, aut pauciores personas, quam tres, quod est contrarium fideli, ut artic. i. fuisse ostentum est.

D I S P U T A T I O N I L I C E S

A. P R O C E S S I O N E S D I U I N A E S I N T E R E C T U M , & V O L U N T A T E M .

Durandus in 1. dist. 6. q. 2. affirmat processiones diuinas non esse per intellectum & voluntatem, sed ex fecunditate essentia diuina: quam fecunditatem, inquit, habet natura diuina in Parre ad producendum Filium, non quia intelligens est, quasi Pater intelligendo producat Filium: & in Parre & Filio ad producendum Spiritum sanctum, non quia vim habet ad diligendum, quasi Pater & Filius diligendo producant Spiritum sanctum: sed eam habet, quia infinita est. *Quare quemadmodum, inquit, si calor in igne esset intelligens, nec produceret calorem intelligendo, nec fecundus esset ad eum producendum, quia intelligens, sed alia via producetur, & alia ratione esset fecundus, putis, quia in se est calor, cui suape natura conuenit communicare calorem: ita Pater eternus, non quia intelligens, nec intelligendo producit Filium, sed quia habet fecunditatem ad illam naturam communicandam per generationem, quam proinde eodem modo illi communicaferet, esto per impossibile non esse intelligens.* Simili modo vult, ut Pater & Filius non quia diligunt, neque diligendo producant Spiritum sanctum, sed quia habent naturae fecunditatem ad ipsam communicandam: quam tamen eodem modo Spiritum sancto communicant, esto per impossibile sapientia natura non diligerent. *Quare, inquit, secundus à Deo per cogitationem intellectu & voluntate, ac intelligere & velle, adhuc in Deo esset generatio Filii & spiritus sancti.*

Id vero, quod omnes Doctores affirmant, Filium videlicet procedere per intellectum, & Spiritum sanctum per voluntatem, ait, intelligendum esse, non propriè, sed per similitudinem & accommodationem quandam ad imaginem sanctissime Trinitatis, quæ in creatura mente predita per intellectum & voluntatem cernitur: ita scilicet, ut quia in eiusmodi creatura prima emanatio esset per intellectum, & secunda per voluntatem, eò quod nihil sit voluntum, quin præcognitum; generatio diuina dicatur esse per intellectum, non quod re vera per intellectum sit, sed quod sit prima: procello vero Spiritus sancti dicatur esse per voluntatem, non quod per voluntatem sit, sed quod sit secunda, Filiique generationem supponat.

Probat vero Durandus suam sententiam primò. Quia si Filius à Parre producetur per intellectum & Spiritus sanctus à Parre & Filio per voluntatem, vel intelligere & velle essent ipsam productiones Filii & Spiritus sancti, eo modo quo calefactio est producitur calor; vel essent principia productiva, sicut calor in igne est principium inducens calorem in aquam: neutrum dici potest: ergo Filius & Spiritus sanctus non producuntur per intellectum & voluntatem.

Quod nulla ratione dici possit, intelligere & velle esse ipsam productiones Filii & Spiritus

sancti, probat primò. Quia productiones personarum sunt actus notionales, qui si sumantur actiones sunt solum in personis producentibus, & non in productis: si vero sumantur passiuè, sunt solum in personis productis, & non in producentibus: sed intelligere & velle non sunt actus notionales, sed essentiales communes omnibus tribus personis, ut omnes conseruantur: ergo intelligere & velle, non sunt ipsam productiones Filii & Spiritus sancti. Secundò, quia, cui conuenit actus, per quem producitur aliqua persona, conuenit producere eamdem personam, ut cui conuenit generare, conuenit producere Filium: sed intelligere & velle conuenient omnibus personis, ergo si sunt ipsam productiones personarum, qualibet persona diuina produceret Filium & Spiritum sanctum, quod est hereticum. Tertiò, productiones personarum distinguuntur realiter: intelligere & velle non distinguuntur realiter: ergo non sunt productiones personarum.

Quod nulla etiam ratione dici possit, intelligere & velle esse principia productiva Filium & Spiritum sanctum probat. Quia id, cui conuenit conditio pugnans cum fecunditate, non potest esse principium actus, per quem aliquid producitur, ut de eis manifestum, quippe cum est principium actus, per quem aliquid producitur sit esse fecundum ad illud producendum: sed intelligere & velle, cum sint actiones immanentes, conuenit ut ex ipsis nihil ulceris sequatur, ut Arist. 9. Metaph. textu 16. affirmat, id quod est conditio cum fecunditate pugnans, quippe cum fecunditas in eo sit positiva, unde natum sit aliud sequi: ergo intelligere & velle nequeant principia, quibus Filius & Spiritus sanctus producuntur.

Secundò probat Durandus principale instrumentum, quia secundum idem proportione quadam conuenit Deo & creaturis fecunditas ad aliquid producendum: sed creaturis non conuenit, quia intelligentes, aut volentes sunt, sed ratione aliquius prioris quod ad plura, quam ad intelligentia se extendat, nempe ratione nature, ut pater, quia fecunditas ad generationem conuenit: etiam rebus cognitione parentibus, & licet reperiatur in creaturis intellectu prædictis, neque per intellectum & voluntatem, neque per aliquid, quod ad has potentias pertinet, generant, sed per aliquid aliud: ergo eodem modo, licet Deus intelligentis sit & volens, ratione & fecunditas ad generandum & producendum aliquid, non ei conueniet per intellectum & voluntatem, sed per naturam, eo modo quo, esto calor ignis esset intelligens, non produceret alium calorem per intellectum, sed per fecunditatem sue nature, ut eum de facto producit.

Tertiò, quia, qualis est ordo secundum rem inter ea, quae re ipsa distinguuntur, talis est ordo secundum rationem, inter ea, quæ distinguuntur ratione solum: sed in homine, in quo natura, intellectus, & voluntas distinguuntur re, productio re ipsa est à natura, & non ab intellectu & voluntate: ergo in Deo, in quo haec solum distinguuntur ratione, productio erit immediata à natura, & non ab intellectu & voluntate.

Sententia hec Durandi non immerito iudicatur non solum falsa & temeraria, sed etiam periculosa in fide, in modo & errorea. In primis enim contra communem sententiam, non solum scholasticorum, sed etiam sanctorum Patrum, Augustini, Hilarij, Hieronymi, Anselmi, ac ceterorum, qui de hac re loquuntur: in re autem adeo graui discedere à com-

Secundum
argumentum.

tertium.

Refellitur
Durand.
Processiones
in diuina es-
se per intel-
lectum & vo-
luntas.